

玉函山房輯佚書

春秋大傳一卷撰人缺漢隋唐志均不著目其書亦  
佚唯史記三王世家褚少孫補傳引一節余知古渚  
宮舊事引一節褚在宣元之世已引其說則此書爲  
漢初經師所撰漢藝文志春秋二十二家左氏公羊  
穀梁三傳外有鄒氏傳十一卷夾氏傳十一卷虞氏  
微傳二篇公羊外傳五十篇穀梁外傳二十篇五家  
皆以傳稱大傳當在其內爾歷城馬國翰竹吾甫

春秋大傳

序

一 鄒氏傳補校

三十一卷四十一

春秋大傳

莊公

二十有五年

鼓用牲于社

天子之國有泰社東方青南方赤西方白北方黑  
上方黃故將封於東方者取青土封南方者取赤  
土封於西方者取白土封於北方者取黑土封於  
上方者取黃土各取其色物裹以白茅封以爲社  
此始受封於天子者也此之爲主土主者立社而

春利大傳

三

三十一卷四十二

奉之也

史記三王世家褚少孫補王夫人傳引春

秋大傳胡三省通鑑音注卷三十八亦引皆不著經句余蕭容古經

解鉤沉取屬此經今依之

昭公

七年

公如楚

賜以大屈之弓

余知古海宮舊事卷三

史記魯世家集解引服虔曰大屈寶金可以爲劍

一曰大屈弓名魯連書曰楚子享魯侯於章臺與

之大曲之弓旣而憚之大屈殆所謂大曲之弓

按服

虞引一曰大綱引名  
亦隱用春秋大傳說

春秋決事一卷漢董仲舒撰仲舒廣川人官至膠西  
相事蹟具漢書本傳董氏傳春秋公羊學既撰繁露  
悉究天人之奧復爲此書引經斷獄當代取式焉漢  
志公羊董仲舒治獄十六篇隋志春秋決事十卷董  
仲舒撰皆入春秋家唐志董仲舒春秋決獄十卷董  
氏正移入法家案應劭說亦稱決獄崇文總目作春  
秋決事比十卷今佚從禮記正義通典白帖藝文類  
聚御覽等書輯得八節仍依漢隋志入春秋類其論  
衡情準理頗持其平妻甲見夫乙毆母而殺乙比於

武王誅紂雖康成議其過大詛要自可通也歷城馬  
國翰竹吾甫

春秋決事

漢 董仲舒 撰

時有疑獄曰甲無子拾道旁棄兒乙養之以爲子及乙長有罪殺人以狀語甲甲藏匿乙甲當何論仲舒斷曰甲無子振活養乙雖非所生誰與易之詩云螟蛉有子蜾蠃負之春秋之義父爲子隱甲宜匿乙而不當坐

杜佑通典卷六十九東晉成帝咸和五年散騎侍郎喬賀妻于氏上表引

甲有子乙以乞丙乙後長大而丙所成育甲因酒色謂乙曰汝是吾子乙怒杖甲二十甲以乙本是其子



不勝其忿自告縣官仲舒斷之曰甲生乙不能長育以乞丙於義已絕矣雖杖甲不應坐上同

妻甲夫乙毆母甲見乙毆母而殺乙公羊說甲爲姑

討夫猶武王爲天誅紂

禮記檀弓孔穎達正義引公羊說案其文義亦決爭之文

君獵得麇使大夫持以歸大夫道見其母隨而鳴感

而縱之君愠譏罪未定君病恐死欲託孤幼乃覺之

大夫其仁乎遇麇以恩况人乎乃釋之以爲子傳於

議何如仲舒曰君子不麇不卵大夫不諫使持歸非

義也然而中感母恩雖廢君命徙之可也

白居易六帖卷二十一

甲爲武庫卒盜強弩弦一時與弩異處當何罪論曰  
兵所居比司馬闌入者髡重武備責精兵也弩彀機  
郭弦軸異處盜之不至盜武庫兵陳論曰大車無輓  
小車無軌何以行之甲盜武庫兵當棄市乎曰雖與  
弩異處不得弦不可謂弩矢列不中與無矢同不入與  
無鏃同律曰此邊鄙所賊直百錢者當坐棄市

六帖  
卷九

十一

甲父乙與丙爭言相鬪丙以佩刀刺乙甲卽以杖擊

丙丙誤傷乙甲當何論或曰毆父也當梟首論曰臣愚以爲父子至親也聞其鬪莫不有怵悵之心扶杖而救之非所以欲訴父也春秋之義許止父病進藥於其父而卒君子原心赦而不誅甲非律所謂毆父不當坐

太平御覽卷六百四十

甲夫乙將船會海風盛船沒溺流死亡不得葬四月甲母丙卽嫁甲欲皆何論或曰甲夫死未葬法無許嫁以私爲人妻當棄市議曰臣愚以爲春秋之義言夫人歸於齊言夫死無男有更嫁之道也婦人無專

制擅恣之行聽從爲順嫁之者歸也甲又尊者所嫁  
無淫衍之心非私爲人妻也明於決事者皆無罪名  
不當坐

同上

武帝外事夷狄而民去本董仲舒說上曰春秋他穀  
不書至於麥禾不成則書之以此見聖人五穀最重  
粟麥

穀陽鉤藝文類聚卷八十五引漢書閻若  
璩困學紀聞箋以此條當決獄佚文據錄

公羊嚴氏春秋一卷漢嚴彭祖撰彭祖字公子東海  
下邳人與顏安樂俱事晁孟傳公羊春秋之學官至  
太子太傅事蹟見漢書儒林傳隋志春秋公羊傳十  
二卷嚴彭祖撰唐志五卷嚴彭祖述又春秋圖七卷  
今並佚孔穎達春秋正義徐彥公羊疏各引一節杜  
佑通典兼引馮君嚴氏春秋章句合輯並附錄本傳  
爲卷諸引者稱嚴氏春秋據標題焉案嚴顏並以公  
羊教授顏有冷任筦冥之學而嚴氏流派史未述詳  
見於傳者山陽丁恭子然北海周澤穉都汝陽鍾典

次文北海甄字長文陳留樓望次子豫章陳曾秀升  
南陽樊儵長魚蜀郡張霸伯饒張楷公超潁川李修  
九江夏勤又侍郎申輓伊推宋顯許廣皆同嚴氏大  
議殿中者大抵皆爲嚴氏學者又下邳嚴訢少通治  
嚴氏春秋馮君章句見洪适隸釋云歷城馬國翰竹  
吾甫

公羊嚴氏春秋

漢嚴彭祖撰

春秋公羊經

孔子將修春秋與左丘明乘如周觀書於周史歸

而修春秋之經丘明爲之傳共爲表裏

春秋左傳  
孔穎達正

義引嚴  
氏春秋

僖公

二十有四年

冬天王出居于鄭傳王者無外此其言出何不能乎

母也魯子曰是王也不能乎母者其諸此之謂與

周王爲天囚

何休公羊傳序云以無爲有徐彥疏公羊說及莊顏之徒以周王爲天囚故曰以無爲有也

文公

二年

作僖公主傳作僖公主者何爲僖公作主也主者曷用虞主用桑練主用栗用栗者藏主也

主藏太廟室西壁中以備火災

杜佑通典卷四十八引公羊說不引

馮君章句馮君治

嚴氏學定爲嚴說



馮君章句附

正廟之主各藏太室西壁之中遷廟之主

於太祖太室北壁之中

通典引公羊說云云下接或問高堂陸曰昔馮君八

萬言章句說

洪适隸釋卷二十四漢殿新碑政

和中出於下邳云訃字少通治嚴氏春秋馮君章句兩漢傳春秋嚴氏學無姓馮者蓋史之闕文也 趙明誠金石錄卷十四亦引此條

### 附錄

春秋之義父不祭於支庶之宅君不祭於臣僕之

家王不祭於下士諸侯

漢書韋元成傳引嚴彭祖尹更始等議不知於經傳

當屬何篇始附於後

附錄

嚴彭祖字公子東海下邳人也與顏安樂俱事陸孟孟弟子百餘人唯彭祖安樂爲明質問疑誼各持所見孟曰春秋之意在二子矣孟死彭祖安樂各顯門教授由是春秋有顏嚴之學彭祖爲宣帝博士至河南東郡太守以高第入爲左馮翊遷太子太傅廉直不事權貴或說曰天時不勝人事君以不修小禮曲意亡貴人左右之助經誼雖高不至宰相願少自勉強彭祖曰凡通經術固當修行先王之道何可委曲

從俗苟求富貴乎彭祖竟以太傅官終授琅邪王中  
爲元帝少府家世傳業中授同郡公孫文東門雲爲  
荊州刺史文東平太傅徒衆尤盛雲坐爲江賊拜辱

命下獄誅

漢書儒  
林傳

春秋公羊顏氏記一卷漢顏安樂撰安樂字公孫魯  
國薛人官至齊郡太守丞漢書儒林有傳傳稱安樂  
事眭孟授淮南冷豐次君淄川任公由是顏家冷任  
之學又稱琅邪筦路泰山冥都皆事安樂顏氏復有  
筦其之學路授孫寶豐授馬宮左咸六藝論又言安  
樂弟子有陰豐劉向王彥一時學徒衆盛與嚴彭祖  
齊名而過之漢志公羊顏氏記十一篇隋唐志不著  
錄佚已久從徐彥疏及洪适隸續載石經公羊哀輯  
七節附錄本傳爲卷何休序謂說者疑惑至有倍經

任意反傳違戾者又言時加釀嘲辭自是指斥世之俗儒而徐疏引顏氏以實之反復辨難不遺餘力至其精理醇義皆湮沒而不稱述良堪喟也歷城馬國

翰竹吾甫

春秋公羊顏氏記

漢 顏安樂 撰

隱公

元年

春王正月

魯十二公國史盡書卽位仲尼修之乃有所不書

春秋左傳孔穎達正義引顏氏

所見異辭所聞異辭

從襄二十一年之後孔子生訖卽爲所見之世何

春秋公羊顏氏記

一 媽館補校

三十一卷五十三

公羊傳序徐彥疏引顏安樂

襄公二十三年邾婁鼻我來奔傳

云邾婁無大夫此何以書以近書也又昭公二十七年邾婁快來奔傳云邾婁無大夫此何以書以近書也二文不異同宜一世若分兩屬理似不便又孔子在襄二十一年生從生以後理不得謂之

所聞也

疏引顏氏

九年

庚辰大雨雪傳何以書記異也何異爾假甚也

世人云雨雪其勢臣助君虐

序疏引顏安樂等

桓公

二年

所見異辭所聞異

下缺。洪适隸續卷四石經公羊殘碑載顏氏

僖公

二十有四年

冬天王出居于鄭傳王者無外此其言出何不能乎母也魯子曰是王也不能乎母者其諸此之謂與

周王爲天囚

傳序疏公羊說及莊顏之徒

三十年



言君出則亡入

下缺 石經殘碑公羊  
載顏氏君上有言字

襄公

十有二年

邑不言圍此其言圍何伐而言圍者取邑之辭也

今案

本此下有伐而不言圍二句石經公羊殘  
碑載顏氏無伐而不圍者非取邑之辭也

附錄

顏安樂字公孫魯國薛人睦孟姊子也家貧爲學精力官至齊郡太守丞後爲仇家所殺安樂投淮陽治豐次君淄川任公公爲少府豐淄川太守由是顏家有冷任之學始貢禹事嬴公成於睦孟至御史大夫疏廣事孟卿至太子太傅皆自有傳廣投琅邪筦路路爲御史中丞禹投潁川堂溪惠惠授泰山真都都爲丞相史都與路又事顏安樂故顏氏復有筦冥之學路授孫寶爲大司農自有傳豐授馬宮琅邪左咸

春秋公羊顏氏記

三 如如例有注  
三十一卷五十五

爲郡守九卿徒衆尤盛官至大司徒自有傳

漢書儒林傳

治公羊者胡毋生董仲舒董仲舒弟子廡公廡公弟子  
眭孟眭孟弟子莊彭祖及顏安樂安樂弟子陰豐

劉向王彥

鄭元六藝論

春秋穀梁傳章句漢尹更始撰更始字君翁汝南人  
由議郎官至諫大夫長樂戶將事具漢書儒林傳傳  
稱更始從蔡千秋受穀梁又受左氏傳取其變理合  
者以爲章句傳于咸及翟方進琅邪房鳳隋志梁有  
春秋穀梁傳十五卷漢諫議大夫尹更始撰亡新唐  
書志題同隋志云尹更始注舊唐志題穀梁章句十  
五卷今佚楊士勛疏引一節禮記正義周禮疏文選  
注各引一節又注疏引穀梁說五節舊說五節大戴  
禮注引春秋穀梁說一節案漢儒傳穀梁學者惟尹

及劉向有書劉書隋唐志不載范注於劉佚說皆明  
標劉向隕石干宋五注引劉說疏引舊說云與劉向  
合明非劉氏說矣且尹在漢爲穀梁博士名在周慶  
丁姓之上又獨有著書則凡引穀梁說及舊說者皆  
尹氏章句無疑也並據合輯漢穀梁學自榮廣皓星  
公開之尹得其宗鳴於當代存此殘佚少而彌珍已  
歷城馬國翰竹吾甫

春秋穀梁傳章句

漢 尹更始 撰

隱公

珠玉曰含

大夫當五諸侯當七天子當九

楊士助疏  
引舊說

寰內諸侯

天子以千里爲寰

文選左太沖魏  
都賦李善注

九年

俠卒傳俠者所俠也

所者俠之氏

揚疏

莊公

二十有九年

秋有蜚

蜚南方臭惡之氣所生也象君臣淫泆有臭惡之

行

象解引  
穀梁說

僖公

四年

昭王南征不反我將問諸江

漢濱之人以膠膠舩舩攘昭王溺焉

楊疏引舊說皆云

十有六年春王正月戊申隕石于宋五

隕石于宋五象宋公德劣國小陰類也而欲行霸道是陰而欲陽行也其隕將拘執之象也

杜預引許慎異

義穀梁說云與劉向合

二十有九年

秋大雨雹

雹者陰脅陽之象霰者陽脅陰之象也

大戴禮記虛辨注引

春秋穀

梁說



文公

二年

八月丁卯大事于大廟躋僖公主傳大事者何大是事也著禘嘗禘祭者毀廟之主陳于大祖未毀廟之主皆升合祭于大祖躋升也先親而後祖也逆祀之僖公閔公庶兄故文公升僖公之主於閔公之上耳僖公雖長已爲臣矣閔公雖小已爲君矣臣不可以先君猶子不可以先父故以昭穆父祖爲喻

集解引

舊說

三年

夏五月王子虎卒傳叔服也此不卒者也何以卒之  
以其來會葬我卒之也

魯王此爲會葬事異故重發之

楊疏引  
尹氏

九年

九月癸酉地震傳震動也地不震者也震故謹而曰  
之

大臣盛將動有所變

集解引  
穀梁說

十有二年

春秋穀梁傳卷五

三 鄭玄傳補校

二十一卷五十七

男子二十而冠冠而列丈夫三十而娶女子十五而  
許嫁二十而嫁

男三十而娶女十五許嫁笄二十而嫁

周禮地官  
媒氏賈公

疏彥

宣公

九年

辛酉晉侯黑臀卒于扈傳其地于外也其日未踰竟  
也

踰竟亦不日

集解引  
舊說

成公

五年

梁山崩

山者陽位君之象也象君權壞

集解引許慎案  
卽五經異義所引

穀梁  
說也

六年

二月辛巳立武宮

武公之宮廟毀已久矣故傳曰不宜立也

集解引  
舊說

十有六年春王正月雨木冰

雨木冰者者木介甲冑兵之象

集解引穀梁傳案傳下脫說字

三十一卷六十一

哀公

十有四年

西狩獲麟

吉凶不並瑞災不兼今麟爲周亡天下之異則不

得爲瑞以應孔子至玄之間也

禮記禮運孔穎達正義引許慎謹案

公議卽尹更始待詔劉更生等議石渠據補

春秋穀梁傳說一卷漢劉向撰向有洪範五行傳記  
已著錄漢儒林傳云劉向以故諫大夫通達待詔受  
穀梁不言撰作隋唐志皆不著錄惟晉書五行志引  
劉向春秋說范注楊疏亦並引劉向則劉氏實有書  
矣蒐輯一十六節其說多明災異與所記洪範五行  
相表裏云歷城馬國翰竹吾甫

春秋穀梁傳說

漢 劉向 撰

隱公

九年

三月癸酉大雨震電傳震雷也電霆也

庚辰大雨雪傳志疏數也八日之間再有大變陰陽錯行故謹而日之也

雷未可以出電未可以見雷電既以出見則雪不當復降皆失節也雷電陽也雨雪陰也雷出非其

時者是陽不能閉陰陰氣縱逸而將爲害也

范甯集解

引劉句

莊公

七年

夏四月辛卯恆星不見夜中星隕如雨

天戒若曰勿使大夫世官將令專事暝晦公室卑

矣

晉書五行志引劉向春秋說

隕者象諸侯隕墜失其所也又

中夜而隕者象不終其性命中道而落

集解引劉向

二十有八年



大無麥禾

水旱當書不書水旱而曰大無麥禾者土氣不養

稼穡不成

晉書五行志  
引劉向說

僖公

八年

秋七月禘于太廟用致夫人

夫人成風也致之于太廟立之以爲夫人

集解引  
劉向

十有四年

秋八月辛卯沙鹿崩傳林屬於山爲鹿沙山名也無

春秋穀梁傳說

二 娜奴館補校

崩道而崩故志之也其日重其變也

鹿在山下平地臣象陰位也崩者散落背叛不事

上之象

同上

十有六年春王正月戊申隕石于宋五

石陰類也五陽數也象陰而陽行將致隊落

集解引劉

向

是月六鵠退飛過宋都

鵠陽也六陰數也象陽而陰行必衰退

同上

文公

十有四年

秋七月有星孛入于北斗傳字之爲言猶彗也其曰入北斗斗有環域也

北斗貴星人君之象也彗星亂臣之類言邪亂之

臣將竝弑其君

集解引劉向

宣公

三年春王正月郊牛之口傷改卜牛牛死乃不郊

宣公區霑昏亂故天不饗其祀

魯書五行志引劉向說

成公

十有六年春王正月雨木冰

冰者陰之盛木者少陽卿大夫之象此是人將有  
害則陰氣脅木木先寒得雨而冰也是時叔孫僑  
如出奔公子偃誅死

楊士勛疏引劉向

昭公

十有七年

冬有星孛于大辰傳一有一亡曰有于大辰者濫于  
大辰也

大辰者大火也不曰孛于大火而曰大辰者謂濫

于蒼龍之體不獨加大火

集解引  
劉向

十有八年

夏五月壬午宋衛陳鄭災

宋陳王者之後衛鄭周之同姓時景王在劉子單  
子事王猛名氏尹氏立王子朝朝楚之出也及宋  
衛陳鄭皆外附於楚無尊周室之心後三年崩王  
室亂故天災四國若曰不救反從楚廢世子言不  
正以害王室明以同辜

楊疏引  
劉向

二十有五年

有鸛鵒來巢傳一有一亡曰有來者來中國也鸛鵒  
穴者而曰巢或曰增之

去穴而巢此陰居陽位臣逐君之象也

集解引  
劉向

定公

二年

夏五月壬辰雉門及兩觀災

雉門天子之門而今過魯制故致天災也

楊疏引  
劉向

哀公

四年

六月辛丑亳社災

災亳社戒人君縱恣不能警戒之象

集解引劉向

哀公

十有四年

西狩獲麟

吉凶不並瑞災不兼今麟爲周亡天下之異則不

得爲瑞以應孔子至立之間也

禮記禮運孔穎達正義引尹更始劉

更生等議  
石渠據補

春秋左氏傳章句一卷漢劉歆撰歆有洪範五行傳  
已著錄漢書本傳云及歆校秘書見古文春秋左氏  
傳歆大好之時丞相史尹咸以能治左氏與歆共校  
經傳歆略從咸及丞相翟方進受質問大義初左氏  
傳多古文古言學者傳訓故而已及歆治左氏引傳  
文以解經轉相發明由是章句義理備焉杜預集解  
序云劉子駿創通大義然則左氏之有章句自歆始  
也隋唐志皆不著錄佚已久從正義釋文輯二十節  
其說多與賈逵潁容許淑並引則三家皆祖述劉氏



者也歷城馬國翰竹吾甫

春秋左氏傳章句

漢 劉歆 撰

隱公

元年

不書卽位攝也

恩深不忍則傳言不稱恩淺可忍則傳言不書

孔穎

達正義引  
劉賈題

四年

夏公及宋公遇于清

遇者用冬遇之禮

正義引劉賈

桓公

三年

有年

有年大有年有鵲鶴來巢諸言有皆不宜有之辭

也

正義引劉賈許

十有七年

癸巳葬蔡桓侯

桓卒而季歸無臣子之辭也蔡侯無子以弟承位

羣臣無廢主社稷不乏祀故傳稱蔡人嘉之非貶  
所也杞伯榘子傳爲三發蔡侯有貶傳亦宜說史  
書謬誤疑有闕文

同上

莊公

二年

秋紀季以鄫入于齊

紀季以鄫奔齊不言叛不能專鄫也

正義引劉賈

九年

九月齊人取于糾殺之

稱子者愍之

正義引賈逵云劉與賈同

二十有九年

新延廐

言新有故木言作有新木延廐不書作所用之木

非公命也

正義引劉賈

三十年

齊人降鄆

依二傳以鄆紀之遺邑

同上 羅泌路史國名紀甲引劉欽

閔公

二年

吉禘于莊公

逸禮云皆升合於其祖

禮記王制正義引云劉歆賈逵鄭衆馬融皆以爲然

僖公

二十有六年

凡師能左右之曰以

晉人執季孫以歸劉子單子以王猛居于皇尹氏  
毛伯以王子朝奔楚諸稱以皆小以大下以上非

其宜也

正義引劉賈頴許

文公

十有八年

莒弑其君庶其

君惡及國朝則稱國以弑惡及國人則稱人以弑

正義引劉

賈許穎

宣公

七年

凡師出與謀曰及

以經諸及字爲義

正義引劉  
賈許穎

十有五年

冬螽生

螽蚘蚘子也

陸德明釋文

蚘蚘有翅者

正義

成公

十有七年

九月辛丑用郊

諸言用皆不宜用反於禮者也

正義引劉賈

襄公

二十有一年



雖賤必書

春秋之序三命以上乃書於經

正義又昭十二年正義並引劉賈

二十有六年

書曰入于戚以叛罪孫氏也

三叛人以地來奔不書叛謂不能專也此直外內

之辭

正義引劉賈

昭公

八年

秋蒐于紅

蒐于紅不言大者言公大失權在三家也

正義引劉賈補

十有一年

大蒐于比蒲

書大者言大衆盡在三家

同上

定公

八年

盜竊寶玉大弓

夏后氏之璜封父之繁弱王所以分魯者也

正義引劉

說

左氏者

春秋牒例章句一卷後漢鄭衆撰衆有周禮解詁曰  
著錄後漢書本傳云年十二從父受左氏春秋精力  
於學明三統歷作春秋難記條例隋志云梁有春秋  
左氏傳條例九卷漢大司農鄭衆撰亡唐志有鄭衆  
牒例章句九卷今佚輯錄爲帙卽依唐志題之案鄭  
衆父興少學公羊春秋晚善左氏傳從博士金子嚴  
受學又從劉歆講正大義歆美興才使撰條例章句  
訓詁衆傳父業則此書亦師承劉氏而說與周禮互  
發者具見古文家法云歷城馬國翰竹吾甫

春秋牒例章句

後漢 鄭眾 撰

隱公

是以隱公立而奉之

隱公攝立爲君奉桓爲太子

孔穎達正義

八年

先配而後祖 鉞子曰是不爲夫婦 誣祖矣

配爲同牢食也 先食而後祭祖 無敬神之心 故曰

誣其祖也

同上

桓公

二年

三月公會齊侯陳侯鄭伯于稷以成宋亂

成宋亂成就宋亂

正義引鄭  
衆服虔

六年

不以畜牲

六畜馬牛羊豕犬雞

同上

閔公

二年

吉禱于莊公

禮記

逸禮云皆升合於其祖

禮記三制正義引云劉歆賈逵鄭衆馬融皆以爲然

僖公

五年

凡分至啓閉必書雲物

以二至二分觀雲色青爲蟲白爲喪赤爲兵荒黑

爲水黃爲豐

正義

二十有四年

昔周公弔二叔之不成故封建親戚以蕃屏周

二叔爲管叔蔡叔傷其不和睦而流言作亂故封

建親戚

正義引鄭衆賈逵詩小雅常棣正義云鄭衆賈逵以二叔爲管蔡

文公

十有一年

皇父之二子死焉

穀甥牛父二人死耳皇父不死

正義

宣公

二年

見叔牂曰子之馬然也對曰非馬也其人也遂來奔

叔牂卽羊斟也在先得歸華元見叔牂牂卽誣之  
曰奔入鄭軍者子之馬然也非我也華元對曰非  
馬也其人也言是女驅之耳叔牂旣與合語而卽

來奔魯

正義

襄公

四年

魯於是乎始鬢

泉鬢與髮相半結之

正義

九年

春秋牒例章句

三 鄭娘館補校



遇艮之八

先代之易

正義引  
賈鄭

連山歸藏二易皆以七八爲占

故言遇艮之八

杜預集解  
正義云  
賈鄭先儒相傳云耳

吾三分四軍

分四軍爲三部

正義

二十有五年

數疆潦

疆界內有水材者

井衍沃

下平曰衍有漑曰沃

二十有六年

若塞井夷窳成陳以當之

此范句所言苗賁皇亦言之故聲子引以爲喻

上

樂范易行以誘之

易讀爲變易之易正義易行中軍與上下軍易卒伍

也中軍之卒良故易之歐語韋昭注正義引云

也

舜於勇

樂動也

正義云賈鄭先儒皆以樂爲動也

二十有九年

爲之歌頌

孔子自衛反魯然後樂正雅頌各得其所自衛反魯在哀公十一年當此時雅頌未定而云爲歌大雅頌者傳家據已定錄之言季札之於樂與聖

人同

周禮春官大司馬賈公彥疏

昭公

二年

吾乃今知周公之德與周之所以王也

卦下之象辭文王所作爻下之象辭周公所作

正義

引鄭與賈逵

易有箕子之明夷東鄰西牛皆以爲易之

爻辭周公所作

春秋序正義引鄭賈

五年

享頰有璋

享獻

釋文

朝聘之禮使執玉以授主國之君乃行享

禮獻國之所有頰兒也謂行享禮以見主國之君

也

正義

八年

自幕至于醫賤無違命

幕舜之先也

史記陳世家集解

九年

辰在子卯謂之疾日

五行子卯自刑

禮記檀弓下正義

十年

請斷三尺焉而用之

斷三尺使至於較大夫旗至較

周禮考工記與人疏

十有一年

鄭莊公城櫟而寘子元焉使昭不立

子元卽檀伯也厲公殺檀伯居櫟因櫟之衆偪弱

昭公使至殺死

正義

臣聞五大不在邊五細不在庭

太子晉申生居曲沃是也母弟鄭共叔段居京是也貴寵公子若棄疾在蔡是也貴寵公孫若無知食采卽是也累世正卿衛甯殖居蒲孫氏居戚是

也五細賤妨貴少陵長遠間親新聞舊小加大也

不在庭不當使居朝廷爲政也

正義

齊渠邱實殺無知

渠邱無知之邑

同上

十有三年

子產爭承

爭所當奉承貢賦之輕重

同上

鄭伯男也

鄭伯爵在男服也

正義引鄭衆服虔

王城在畿內之諸侯

雖爵爲侯伯周之舊俗音食子男之地故云鄭伯

男也

詩鄭譜正義引先鄭

十有四年

任良物官

物官相其才之所宜而官之

正義

十有八年

巡羣屏攝

攝攝束茅以爲屏蔽祭神之處草易然故巡行之

周禮春官宗伯疏

正義引首句

春秋厥例章句



七如煨館補校

三二五八



二十年

賓將趣

今本作賓將撤周禮夏官掌固杜子春鄭司農引春秋傳並作趣

琴張聞宗魯死

子張卽顓孫師

正義引賈逵鄭衆

二十有二年

王弗應

壽卒王命猛代之後欲廢猛立朝耳

正義

二十有三年

使各居二館

使叔孫子服回各居一館邾魯大夫本不同館無  
爲復言使各居一館也欲分別叔孫子服回不得  
相見各聽其辭耳

同上

二十有五年

有鸚鵒來巢書所無也

周禮曰鸚鵒不踰濟今踰宜穴而又巢故曰書所

無也

周禮考  
工記疏

季氏介其雞

介甲也爲雞著甲

正義

儀禮少牢饋食禮

吳曾能改齋漫錄卷四

定公

四年

大路少帛精苒旃旌大呂

精苒旃名也

史記衛世家集解

八年

魯於是始尚羔

天子之卿執羔大夫執鴈諸侯之卿當天子之大夫故傳曰唯卿爲大夫當執鴈而執羔僭天子之禮也魯人效之而始尚羔記禮所從壞

正義

十有四年

使死士

欲以死報恩者

史記吳世家集解

哀公

七年

衆君子立於社宮

社宮中有室屋者

史記曹世家集解

十有五年

弗及不踐其難

是時輒以出不及事不當踐其難子羔言不及以

爲子路欲死國也

史記衛世家集解

十有七年

如魚窺尾衡流而方羊

魚勞則尾赤方羊遊戲喻衛侯淫縱

正義詩云南汝填正義

引云魚肥則尾赤以喻蒯瑣淫縱

玉函山房輯佚書目

卷三十二

經編春秋類

春秋左氏傳解詁二卷

後漢賈逵

春秋左氏傳解詁二卷後漢賈逵撰逵既奉詔作春秋左氏長經章句書奏帝嘉之賜布五百疋衣一襲令逵自選公羊嚴顏諸生高才者二十人教以左氏與簡紙經傳各一通此解詁之所由作也本傳云尤明左氏傳國語爲之解詁五十一篇章懷太子注左氏三十篇國語二十一篇也隋唐志並三十卷其書散佚宋王應麟輯古文春秋左傳十二卷中載賈逵佚說而疎漏者尚三之一茲更補綴合舊輯爲二卷正義病其雜取公羊穀梁以釋左氏謂之以冠雙履

將絲絲麻然長經固別標殊旨茲取三傳之同者通  
釋之亦何有豎枘之不相入耶歷城馬國翰竹吾甫



春秋左氏傳解詁卷上

後漢 賈逵 撰

春秋序

孔子覽史記就是非之說立素王之法

孔穎達春秋序正義

魯君子左邱明作傳

同上

取法陰陽之中春爲陽中

萬物以生秋爲陰中萬物以成欲使人君動作不

失中也

同上

隱公

是以隱公立而奉之

春秋左氏傳解詁卷上

一 媯媯館補校

隱立桓爲太子奉以爲君正義

元年

公及邾儀父盟于蔑

儀父嘉隱公有至孝謙讓之義而與結好故貴而

字之善其慕賢說讓正義引  
頁服

不書卽位

四公皆實卽位孔子修經乃有不書正義引荀說  
頁服之徒

恩深不忍則傳言不稱恩淺可忍則傳言不書正義

引對  
賈預

未王命故不書爵

北杏之會時已得王命

正義

初鄭武公娶于申

凡言初者隔其年後有禍福將終之乃言初也同上  
及共叔段

共爲諡

正義引賈服

請京

京鄭都邑

史記鄭世家  
裴駟集解

都城過百雉國之害也大都不過參國之一中五之

春秋左氏傳解詁

卷上

二如姬館稭校

三十二卷四

一小九之一

雉長三丈百雉五百步大都參之一則鄭是伯爵

城有千五百步爲五里是公七里侯伯五里子男

三里矣

周禮春官典命疏引賈服杜君等義正義引首句云賈逵馬融王肅

大叔出奔共

共國名也

史記鄭世家集解

遂寘姜氏于城穎

鄭地

爲穎谷封人

潁谷鄭地

並同上

改葬惠公公弗臨

改葬改備禮也葬嗣君之事公不臨言無恩禮曰

改葬細也

太平御覽卷五百五十三

葬故有闕

言是以禮闕故

同上

公不與小斂故不書日

不與大斂則不書卒

正義

二年

無駭帥師入極

極戎邑也

同上

三年

鄭武公莊公爲平王卿士

卿士之有事者六卿也

太平御覽卷四百八十

王子狐爲質于鄭鄭公子忽爲質于周

王子狐周平王之子鄭公子忽鄭莊公太子忽也

取溫之麥

溫周地也蘇氏邑也

並同上

石碯

石碯爲上卿

史記衛世家集解

四年

衛州吁弑其君完

弑君取國故以國言之

正義

衛人使右宰醜泄殺州吁于濮

濮陳地

史記衛世家司馬貞索隱

衛人送公子晉于邢

邢周公之胤姬姓國

史記衛世家集解

五年

公將如棠觀魚者

棠魯地陳漁而觀之史記晉世家集解

六年

宋人取長葛

長葛不繫鄭刺不能撫有其邑也正義引賈服

八年

先配而後祖鍼子曰是不為夫婦誣其祖矣

配為成夫婦也禮齊而未配三月廟見然後配正義



大夫以上無問舅姑在否皆三月見祖廟之後乃始成昏故譏鄭公子忽先爲配匹乃見祖廟禮記問正義引賈服之義

十有一年

周之宗盟

宗爲尊正義宗盟尊盟羅泌路父前紀卷八

而禱於其主鍾巫

鍾巫祭名也史記魯世家集解

桓公

元年

蔡侯鄭伯會于鄧

以鄧爲國言蔡鄭會于鄧之國都

正義引賈服

二年

宋督弑其君與夷及其大夫孔父

督有無君之心故去氏

隱四年正義

宋殤公立十年十一戰

一戰伐鄭圍其東門二戰取其禾三戰取邾田四戰邾鄭伐宋入其郛五戰伐鄭圍長葛六戰鄭以

王命伐宋七戰魯敗宋師于菅八戰宋衛入鄭九  
戰伐戴十戰鄭入宋十一戰鄭伯以號師大敗宋  
史記末世  
家集解

是以清廟茅屋

肅然清靜謂之清廟

詩魯頌清  
廟正義

整厲游纓

整紳也一名大帶厲大帶之垂者

正義云買服等  
說整厲首與社

同社  
注補

師服曰

春秋左氏傳解詁卷上

六 姑嫂館補校

三十一

晉大夫

史記晉世家解

哀侯侵陘庭之田

陘庭翼南鄙邑名

同上

三年

春正月

不書王弒君易祔田成宋亂無王也元年治桓二

年治督十年正曹伯十八年終始治桓

正義

有年

桓惡而有年豐異之也言有非其所宜有

同上

韓萬御戎

韓萬山沃桓叔之子莊伯之弟

史記晉世家集解

五年

周公黑肩

莊王弟子儀也

史記周本紀集解

旂動而鼓

旂發石一曰飛石范蠡兵法曰飛石重十二斤爲

機發行二百步

漢書甘延傳注正義引說文云與賈同

秋大雩

言大別山川之零蓋以諸侯零山川魯得零上帝

故稱大

正義引首句

大下有零者二字

零遠

正義引賈服

始殺而當

始殺孟秋

正義引賈服

六年

大閔

簡車馬於廟也

公羊傳徐彥疏

楚武王侵隨

隨姬姓也

史記楚世家集解

嘉樂旨酒

穀之初熟爲粟

詩大雅生民正義

子同生

不稱太子者書始生

禮記曾子問正義引賈杜

公問名於申繻

申繻魯大夫

史記魯世家集解

十有一年

宋雍氏女於鄭莊公曰雍姑

雍氏黃帝之孫姑姓之後爲宋大夫

史記鄭世家集解

十有五年

使其壻雍糾殺之

雍糾鄭大夫

同上

十有七年

秋八月蔡季自陳歸于蔡癸已葬蔡桓侯

桓卒而季歸無臣子之辭也

正義引劉賈許

十有八年

周公欲弑莊王而立王子克辛伯告王

王子克莊王弟子儀也辛伯周大夫也

史記周本紀集解



莊公

元年

夫人孫于齊

桓公之薨至是年三月期而小祥公憂思少殺念

及于母以其罪重不可以反之故書孫于齊耳

詩齊

風南山正義引  
何休賈逵服虔

三年

紀季以鄆入于齊

紀季以鄆奔齊不言叛不能專鄆也

正義引  
劉賈

冬公次于滑

善次

正義杜氏釋例

四年

楚武王荆尸

秦始皇父諱楚而改爲荊州亦以其居荊門故因

諱而改之

詩小雅漸漸之石正義

八年

師次于郟以俟陳人蔡人

陳蔡欲伐魯故待之

正義引賈逵及說穀梁者

齊侯使連稱管至父戍葵邱

連稱管至父皆齊大夫

史記齊世家集解

齊侯游于姑棼

齊地

初公孫無知虐於雍廩

雍廩渠邱大夫也

並同上

九年

納子糾

不言公子次正也

正義

春秋左氏傳解詁

卷上

十餘經館校

齊小白入于齊

齊大夫來迎子糾公不亟遣而盟以要之齊人歸

迎小白

正義引  
賈服

齊人取子糾殺之

稱子者愍之

正義

乃殺子糾于生竇

魯地句瀆也

史記齊世家集解 索隱引賈逵說  
云魯地句竇生竇史記作笙瀆案隱

同

及堂阜而庇之

堂阜魯北境史記齊世家解

管夷吾治於高侯

齊正卿高敬仲也同上

十有一年

公使弔焉

問凶曰弔史記宋世家解

射南宮長萬

南宮氏萬名宋卿

十有二年

秋宋萬弑閔公于蒙澤

蒙澤宋澤名也

一 並同

宋萬未賜族

隱四年正義

二十年

樂及徧舞

徧舞皆舞六代之樂也

史記周本紀集解

鄭伯問之見虢叔

鄭厲公突虢公林父也

同上

二十有二年

肆大眚

文姜爲有罪故救而後葬以說臣子也魯大救國  
中罪過欲令文姜之過因是得除以葬文姜義  
羈旅之臣

羈寄旅客也

史記陳世家集解

使爲工正

掌百工

史記齊世家集解

莫之與京

京大也

史記陳世家集解

遇觀之否

坤下巽上觀坤下乾上否觀爻在文四變而之否

同上

正義曰賈巽並皆

用焉

朱震漢上易叢說

二十有三年

士蒞

士蒞晉大夫

史記晉世家集解

二十有四年

大夫宗婦覲用幣

宗婦同姓大夫之婦

詩小雅常棣正義引賈杜

國逆例

桓八年成十八

年正義

並引



赤歸于曹

羈是曹君赤是戎之外孫故戎侵曹逐羈而立赤

正義

二十有五年

乃城聚而處之

聚晉邑

史記晉世家集解

二十有九年

新延廡

言新有故木言作有新木延廡不書作所用之木

老和石且俱角言  
老

三十二卷十五

非公命也

正義引劉賈

城諸及防

言及先後之辭

正義

三十年

齊人降郟

依二傳郟紀之遺邑

正義引劉賈

三十有二年

城小穀

不繫齊者世其祿

正義

公樂臺臨黨氏

黨氏魯大夫任姓

史記魯世家集解

見孟任

黨氏之女

同上

閔公

元年

而位以卿

謂將下軍

史記魯世家集解

卜優

卜偃晉掌卜大夫郭偃

遇屯之比

震下坎上屯坤下坎上比屯初九變之比

辛廖

辛廖晉大夫

並同上

二年

夏吉禘于莊公

禘名遞也審遞昭穆遷主遞位孫居王父之處禮記

王制正義王肅論引賈逵逸禮云皆升合於祖同上引賈逵

祖鄭衆馬融等

夫人姜氏孫于邾

文姜殺夫罪重故去姜氏哀姜殺子罪輕故不去

姜氏

正義引  
賀服

狄入衛

不與夷狄得志於中國

詩廊風定之  
方中正義

奪卜齋田

卜齋魯大夫

史記魯世  
家集解

賊公子武聞

宮中之門謂之闕

春秋左氏傳解詁

卷上

十五  
鄭經補校

三十一

間于兩社

兩社周社亳社也兩社之間朝廷執政之臣所在

並同上

晉侯使太子申生伐東山臯落氏

東山赤狄別種

史記晉世家集解

里克

里克晉卿里克也

君與國政之所圖也

國政正卿也

教之以軍旅

將下軍

並同

僖公

元年

齊師宋師曹伯次于聶北救邢

襄二十三年叔孫豹救晉次于雍榆二事相反此

是君也進止自由彼是臣也先通君命

正義引賈服

夫人氏之喪至自齊

殺子輕故但貶姜

正義

春秋左氏傳解詁卷上

十六姊妹作補校

公賜季友汝陽之田及費

汝陽費魯二邑

史記魯世家集解

二年

城楚邱

楚邱術地

史記齊世家集解

齊侯宋公江人黃人盟于貫

江黃稱人刺不度德善隣恃齊背楚終爲楚所滅

正義

假道於虞以伐虢



虞在晉南號在虞南

史記晉世家集解

三年

春王正月不雨夏四月不雨

穀梁傳曰一時言不雨者閔雨也閔雨者有志乎民者也六月雨雨云者喜雨也喜雨者有志乎民者也文二年傳曰歷時而言不雨文不憂雨也不憂雨者無志乎民也言僖有憂民之志故每時一書文無憂民之志是以歷時總書

正義引云賈逵疏以爲說

湯公

春秋左氏傳解詁

卷上

十七經解館補校

蕩搖也

史記濟世家集解

四年

蔡潰

民逃其上曰潰

同上

許男新臣卒

不言于師者善會主加禮若卒于國

正義

唯是風馬牛不相及也

風放也牝牡相誘曰風

書費誓正義

五侯九伯

五等諸侯九州之伯

周禮春官大宗伯疏引賈服

爾貢包茅不入王祭不供

包茅菁茅包匭之也以供祭祀

史記齊世家集解

死王事加二等於是有以袞斂

死王事謂朝天子以命用師袞斂上公九命服袞

也

太平御覽卷五百五十六

五年

公既視朔遂登觀臺望而書禮也

若登臺而不視朔則書時不書月若視朔而不登

臺則書月若雖無事視朔登臺則空書時月中

禮記中書

正義靈臺在太廟明堂之中

詩大雅靈臺正義引賈逵服虔

號仲號叔

號仲封東號制是也號叔封西號號公是也

正義

均服振振

均同也

周禮春官雞人疏引賈服杜君等

六年

晉侯使賈華伐屈

賈華晉右行大夫

史記晉世家集解

元年

里克邳鄭欲納文公故以三公子之徒作亂

依注不當作邳

邳鄭晉大夫三公子申生重耳夷吾

史記晉世家集解

十年

周公忌父

周卿士

同上

夷吾無禮

烝於獻公夫人賈君故曰無禮

正義

烝於韓

據注做當作烝

樊敗也韓晉韓原

史記晉世家集解

十有二年

若節春秋

節時也

史記周本紀集解

舅氏

舅氏言伯舅之使也

十有三年

自雍及絳相繼

雍秦國都絳晉國都也

史記秦本紀集解

十有五年

饋七牢焉

諸侯雍餼七年牛一羊一豕一爲一牢也

同上

十有六年

隕石子宋五是月六鷓退飛過宋都

陸德明釋文鷓本或作鷓史記

集解引賈逵亦作鷓

石山岳之物齊大岳之肩而五石隕宋象齊桓卒

而五公子作亂宋將得諸侯而治五公子鷓退不

成之象後六年霸業退也鷓水鳥陽中之陰象君

臣之訟聞也

穀梁傳疏

六鷁退飛過宋都風也

風起于遠至宋都高而疾故鷁逢風卻退

史記宋世家集

解

十有七年

宋華子生公子雍

宋華子之女子姓

史記齊世家集解

雍巫有寵於衛共姬

雍巫雍人名巫易牙也

史記齊世家張守節正義宗應云賈逵以雍巫爲



易牙  
字

十有九年

乃溝公宮

溝塹也

史記晉世家集解

二十年

春新作南門

言新有故在言作有新在

正義引劉賈先編

滑人叛鄭而服于衛

滑姬姓之國

史記周本紀集解

春秋左氏傳解詁

卷上

王如嫗館補校  
三十三卷二十三

二十有三年

出于五鹿

五鹿衛地

史記晉世家集解

其辟君三舍

司馬法從遜不過三舍三舍九十里也

二十有四年

朝于武宮

文公之祖武公廟也

以繇上爲之田

繇上晉地

且旌善人

旌表也

並同上

王使伯服游孫伯如鄭

二子周大夫

史記周本紀集解

又怨襄王之與衛滑也

滑小國近鄭世世服從而更違叛鄭師伐之聽命

後自愬于王王以與衛

同上

昔周公弔二叔之不咸故封建親戚以藩屏周

二叔爲管叔蔡叔傷其不和睦而流言作亂故封

建親戚

正義引鄭衆賈逵序正義引鄭賈注以二叔爲管蔡

詩小雅常棣

召穆公思周德之不類故糾合諸侯于成周

遷却卹之民於成周分衛民爲三國

書康誥正義

二十有六年

凡師能左右之曰以

晉人執季孫以歸劉子單子以王猛居于皇尹氏

毛伯以王子朝奔楚諸稱以皆小以大下以上非

其宜也

正義引劉西漢許

二十有七年

讓于欒枝

欒枝欒賓之孫

史記晉世家解

二十有八年

戰于城濮

城濮衛地

史記晉世家解

楚殺其大夫得臣

不書氏陋

文九年正義

盟于踐土

踐土鄭地名在河內史記周本紀集解

天王狩于河陽

河陽晉之溫也同上鄭道元水經注卷五引服虔賈逵云河陽溫也

子玉使宛春告於晉師

宛春楚大夫史記晉世家集解

王命尹氏及王子虎

王子虎周大夫

賜之大輅之服

大輅金輅

彤弓一彤矢百旅弓矢千

彤弓赤旅弓黑也諸侯賜弓矢然後征伐

秬鬯一卣珪瓚

秬黑黍鬯香酒也所以降神卣器名諸侯賜珪瓚  
然後爲鬯

虎賁三百人

天子之卒曰虎賁

再拜稽首

稽首首至地上

並同上

二十有九年

介葛盧聞牛鳴曰是生三犧皆用之矣

言入律之音聽禽獸之名則知其嗜慾死可知伯益明是術故堯舜使掌朕虞至周失其道官又在

四夷

周禮秋官夷隸疏 詩秦風車鄰正義引伯益曉是術句

三十年

東門襄仲將聘于周遂初聘于晉

先聘晉後聘周

正義引賈服

三十有一年



曾三望

三望分野之星國之山川

按梁傳疏正義周禮春官大宗伯疏

三十有三年

遽與姜戎子墨衰經

墨衰因

史記晉世家集解

不以繫臣繫鼓

殺而以血塗鼓謂之繫鼓

詩小雅湛露正義

文公

元年

楚國之舉

舉之也

史記楚世家集解

既又欲立王子職

職商臣庶弟也

同上

二年

勇則害上不登于明堂

祖廟與明堂爲一

正義引左氏傳說及賈逵盧植蔡邕服虔等

作僖公主書不時也

凡君薨祔而作主三年終禘遭祫嘗則行祭禮

春官鬯人  
疏引賈服  
卷三

三年

凡民逃其上曰潰

舉國曰潰一邑曰叛

正義逃例鄭詹逃歸正義云釋例謂賈氏

復以入例

封殺尸而還

封識之  
史記秦本紀集解

五年

王使樂叔歸含且盟

春秋左氏傳解詁  
卷上

美如叔仲補校

三十二卷二十六

三十二卷二十六

含昭當異人今一人兼兩使故書且以諱之正義引賈

晉趙成子欒貞子霍伯曰季皆卒

欒貞子欒枝也霍伯先且居也史記晉世家集解

其子何震之有

震威也同上

七年

正德利用厚生

正德人德利用地德厚生天德周禮春官冢人疏引賈服

九年

晉人殺其大夫士穀及箕鄭父

箕鄭稱及非首謀

正義

十年

楚殺其大夫宜申

不書氏陋

文九年正義

十有一年

夏叔仲彭生會晉卻缺于承匡

叔仲惠伯

史記曾世家集解

春秋左氏傳解詁

卷上

埋其首于子駒之門

子駒魯郭門名

獲長狄綠斯

喬如之祖

並同上 依史記注 喬作喬

皇父之二子死焉

皇父與穀甥牛父三子皆死

正義

齊王子城父獲其弟榮如

王子城父齊衣夫

史記齊世家集解

十有三年

大室屋壞

大廟之室也

正義引左氏先師賈服等

十有七年

以歲陳事

歲剝也

正義引賈服

十有八年

舊弑其君庶其

君惡及國朝則稱國以弑君惡及國人則稱人以

弑

正義引劉賈許頴

而使歎僕

僕御也

史記齊世家集解

在九刑不忘

正刑一加以入議

周禮秋官司刑疏引賈服

謂之八愷

愷和也

史記五帝本紀集解

謂之八元

元善也

昔帝鴻氏有不子



帝鴻黃帝也不才子其苗裔謹兜也

謂之檇机

檇机頑凶無暗匹之貌謂鯀也

縉雲氏有不才子

縉雲氏姜姓也炎帝之苗裔當黃帝時在縉雲之

官也

並同上

謂之饗發

貪財爲饗貪食爲發

正義引賈服

投諸四裔以禦魑魅

四夷之地去王城四千里

史記五帝本紀集解

魍山神獸形

或曰如虎而噉虎或曰魍人面獸身而四足好惑

人山林異氣所生爲人害

周禮春官凡以神仕神者疏引黃服

遂出武穆之旅

史記穆作鑿

出逐也

史記宋世家集解

宣公

二年

文馬百駟

文豸文也

史記宋世家集解

見叔牂日子之馬然也對曰非馬也其人也既合而  
來奔

叔牂宋守門大夫華元既見叔牂牂謂華元日子  
見獲於鄭者是由于子之馬使然也華元對曰非馬  
自奔也其人爲之也謂羊斟驅入鄭也奔走也言  
宋人贖我之事既和合而我卽來奔耳

正義

于思于思

白頭貌

正義  
釋文

厚斂以彫牆

史記卷三十三

三十三卷三十三

彫畫也

史記晉世家集解

使鉏麇賊之

鉏麇勇士

同上

二年

定王使王孫滿勞楚子

王孫滿周大夫也

史記周本紀集解

鑄鼎象物

象所圖物著之於鼎

史記楚世家集解

載祀六百

載辭也祀年也商曰祀

上同

初鄭文公有賤妾曰燕姑

一姑南燕姓

史記鄭世家集解

夢天與之藎

蘭香草也

曰余爲伯儵余爾祖也

伯儵南燕祖

並同上

四年

公子宋與子家將見

年以空氏專解詁

卷上

三十二卷三十一

三十二卷三十一

二子鄭卿也

史記鄭世家集解

凡弑君稱君君無道也

君惡及國朝則稱國以弑君惡及國人則稱人以

弑

正義引劉賈許類

七年

凡師出與謀曰友

經諸及字為義

正義引劉賈許類

十有一年

納公孫寧儀行父于陳

二子不繫之陳絕於陳也惡其與君淫故絕之善

楚有禮也

義納者內難之辭同上

申叔時使于齊

叔時楚大夫

史記陳世家集解

十有二年

卜臨于大宮且巷出車吉

臨哭也巷出車陳于巷街示雖困不降必欲戰也

太平御覽卷

四百八十一

守埤者皆哭

春秋左氏傳解詁

卷上

三十三類如作補註  
三十一卷三十四

埤城也

同上

入自皇門

皇門鄭城門也

史記鄭世家集解  
平御覽卷四百八十

太

鄭伯肉袒牽羊以逆

肉袒牽羊示服爲臣僕也

史記鄭世家集解

孤不天

不爲天所祐也

太平御覽卷  
四百八十

潘之入盟子良出質

潘尅楚大夫師叔字也子良鄭公子

同上



叔展曰有麥勦乎曰無有山鞠窮乎曰無

麥勦鞠窮所以禦濕

正義

十有五年

伯宗曰不可

伯宗晉大夫

史記晉世家集解

十有八年

邾人戕郕子于郕

邾使大夫往戕賊之

正義

成公

二年

取龍遂南侵及巢工

殺盧蒲就魁不與齊盟以亡其邑故諱不書耳

正義

請八百乘許之

八百乘六萬人

史記齊世家集解

師至於靡笄之下

靡笄山名也

逢丑父爲右

齊大夫

擊馬陵

馬陵齊地也

並同上

馬陵一作馬陵

于欽齊乘卷二

必以蕭同叔子爲質

蕭附庸子姓

史記齊世家集解

晉人使爲邢大夫

邢晉邑

史記晉世家集解

三年

鄭伐許

鄭小國與大國爭諸侯仍伐許不稱將帥夷狄之

刺無知也

正義

傳習作六軍

初作六軍僭王也

史記晉世家集解

八年

天子使召伯來賜公命

諸夏稱天王畿內曰王夷狄曰天子王使榮成叔

歸舍且賜以恩深加禮妾母恩同畿內故稱王成

公八年乃得賜命與夷狄同故稱天子

正義

武從姬氏蒞于公宮

姬氏成公之女

正義引賈服先儒

九年

南冠而縶者

南冠者楚冠也

太平御覽卷六百八十五

居育之上膏之下

育鬲也心下爲膏

正義

膏雖凝者爲脂釋者爲膏其

實凝者亦曰膏故內則云小切狼膈膏

正義引賈服何休諸

僞

十有一年

吾不以妾爲媼

兄弟之妻相謂爲媼

正義引賈逵鄭元

十有三年

夏五月公自京師遂會晉侯齊侯宋公衛侯鄭伯曹伯邾人滕人伐秦

宋公衛侯譏其不稱子

禮記曲禮下正義引賈服注

晉侯使呂相絕秦

呂相晉大夫

史記晉世家集解

十有五年

晉三郤害伯宗

三郤郤錡郤犇郤至

史記晉世家集解

十有六年

晉人執季孫行父舍之于菴丘

書執行父舍于菴丘言失其所不書至者刺晉聽

讒執之示亡無罪也

正義

塞井夷竈

塞填也滿也

獻野王玉篇

有緜韋之跗注

一 染曰黷

正義

附謂足附注屬也禘而屬於附

周禮春官

典命疏引賈服

十有七年

九月辛丑用郊

公羊傳曰用者何不宜用也非所用郊也穀梁傳

曰夏之始可以承春以秋之末承春之始蓋不可

矣九月用郊者不宜用也

正義云禮達以二傳爲說

諸言用皆

不宜用反於禮者也

釋例引劉賈正義同

公遊于匠驪氏

今本作鹿侯史記注引賈逵作驪



匠駟氏晉外嬖大夫在翼者

史記晉世家集解

十有八年

諸侯納之曰歸

諸侯歸國稱所自之國所自之國有力也

正義稱納

者內難之辭

同上

納北燕伯于陽時陽守距難故稱

納

同上

以惡日復入

雖夫人姜氏之入皆以爲例

同上

春秋左氏傳解詁卷下

襄公

元年

晉韓厥荀偃帥諸侯之師伐鄭入其郛

韓厥荀偃帥諸侯之師謂帥宋衛滕薛伐鄭齊魯

曹邾杞次于郛故諸侯之師不序也入郛不書者

晉人先以鄭罪令于諸侯故書伐鄭入郛既敗鄭

不復告故不書

正義

二年

春秋左氏傳解詁卷下

使鄧廖帥組甲三百被練三千

組甲以組綴甲車士服之被練帛也以帛綴甲步卒服之凡甲所以爲固者以盈竅也帛盈竅而任力者半卑者所服組盈竅而盡任力尊者所服同上

亂行于曲梁

行陳也

史記晉世家集解

魏絳戮其僕

僕御也

同上

四年

恃其射也

羿之先祖世爲先王射官故帝譽賜羿弓矢使司

射

正義

子之

歌

正義

尚書五

八年

孫擊孫惡出奔衛

二孫子狐之子

正義

九年

使西鉏吾虢府守

鉏吾大宰也

同上

易之上下各一

三十二卷四十一

遇艮之八

先代之易

杜氏注正義云賈鄭先儒相傳云耳

晉三分四軍

三分四軍為十二部

正義

冠而生子

人君禮十二而冠也

宋書禮志

十有四年

使師曹誨之琴

師曹樂人

史記尚世家集解

遯伯王

伯玉衛大夫

同上

十有六年

戊寅大夫盟

公羊以爲溴梁之盟君若贅旒然穀梁云不曰諸侯之大夫大夫不臣也言惡大夫專而君失權也

正義

十有九年

公至自伐齊

圍齊而致伐以策伐勳也

正義

取邾田自濶水歸之于我

公羊傳曰其言自濶水何以濶爲竟也何言乎以

濶爲竟濶移也言刺晉偏而魯貪

正義引公羊傳云賈服取以爲

說

遂東大子光

東徙之東鄙也

史記齊世家集解

號之乃下問守備焉以無備告拊之乃登

齊侯以衛告誠拊而禮之欲生之也衛志于戰死

故不順齊侯之掛而還登城

正義

二十年

陳侯之弟黃出奔楚

稱名罪其偏

同上

二十有一年

庶其非卿也以地來雖賤必書重地

春秋之序三命以上乃書於經

正義引劉賈

三叛人以

地來奔不書叛謂不能專也

同上

宣子殺箕遺黃淵嘉父司空靖邠豫董叔邠師申書

春秋左氏傳解詁

卷下

四鄉疑館補校



羊舌虎叔巽

十子皆樂盈之黨知范氏將害欒氏故先爲之作

難討范氏不克而死

正義

二十有三年

邾畀我來奔

庶其之黨同有竊邑叛君之罪來奔故書

同上

納諸曲沃

欒盈之邑也

史記齊世家集解

啓牢成御襄罷師狼遜疏爲左肱商子成御侯朝桓

跳爲右

左翼曰啓右翼曰肱

正義

取朝歌

晉邑

史記齊世家集解

入孟門登太行

孟門太行皆晉山隘也

同上

叔孫豹帥師救晉次于雍榆禮也

禮者言其先救後次爲得禮也

正義

季氏以公鉏爲馬正

春秋左氏傳解詁

卷下

五經館補校

馬正家司馬

太平御覽卷四百二十二

閔子馬見之

閔子馬魯大夫閔馬父也

同上

二十有五年

衛侯入于夷儀

雖夫人姜氏之入皆以爲例

正義

齊棠公之妻

棠公齊棠邑大夫

史記齊世家集解

晏子立於崔氏之門外

問難而來

同上

為播書土田度山林鳩數澤辨京陵表淳鹵數疆潦  
規偃豬町原防牧隰臯井衍沃

賦稅差品山林之地九夫為度九度而當一井也  
陂澤之地九夫為鳩八鳩而當一井也京陵之地  
九夫為辨七辨而當一井也淳鹵之地九夫為表  
六表而當一井也疆潦之地九夫為數五數而當  
一井也偃豬之地九夫為規四規而當一井也原  
防之地九夫為町三町而當一井也隰臯之地九

夫爲牧二牧而當一井也衍沃之地畝百爲夫九

夫爲井

正義

淳鹹也

同上

疆其兩反

釋文

疆爲疆樂境塉

之地下平曰衍有澗曰沃

正義

二十有六年

樂范易行以誘之

易讀變易之易行道也樂爲將范爲佐二人分中

軍別將之欲使樂與范易道令范先誘楚樂以良

卒從而擊之

正義

蒙於功

饋動也

正義引鄭  
買先篇

二十有七年

故不書其族言違命也

叔孫義也魯疾之非也

正義

告盧蒲癸

癸齊大夫慶封之屬

史記齊世家  
家集解

二十有九年

吳子使札來聘

夷末新即位使來通聘

正義引賈  
遠服虔

猶未也

言未有雅頌之成功也

史記吳世家集解 詩序正義

美哉淵乎

淵深也

史記吳世家集解

吾聞康叔武公之德如是

康叔遭管叔蔡叔之難武公罹幽王褒姒之憂故

曰康叔武公之德如是

爲之歌鄭

鄭風東鄭是

同上

蕩乎樂而不淫

蕩然無憂自樂而不荒淫也

大而婉儉而易行以德輔此則盟主也

其志大直而有曲體歸中和中庸之德難成而易行故曰以德輔此則盟主也

至矣哉

言道備至也

並同上

見舞象箎南籥者

象文王之樂箎舞曲也南籥以箎舞也

同上詩周頌維清



正義

猶有憾

憾恨也恨不及己以伐紂而致太平也

史記吳世家集解

見舞大武者

大武周公所作武王樂也

見舞韶護者

今本作護史記作護引賈注同

韶護殷成湯樂大護也

聖人之弘也

弘大也

見與大夏者

夏禹之樂大夏也

如天之無不燾也

今本作燾史記作燾引賈注同

燾覆也

夫子獲罪於君以在此

夫子孫文子也獲罪出獻公以戚畔也

君又在殯

衛君獻公棺在殯未葬

並同上

三十有一年

以羸諸侯

羸讀爲盈受也

正義

昭公

元年

三月取郟

楚以伐莒來討故諱伐不諱取

正義

周有徐奄

書序曰成王伐淮夷遂踐奄徐卽淮夷

同上

居于曠林

曠大也

史記鄭世家集解

后帝不滅

后帝堯也滅善也

遷闕伯於商其主辰

商北在漳南

通同上

遷實沈于大夏主參

陶唐之胤劉累也

漢書天文志劉昭補注

唐人是因以服事夏商

唐人謂陶唐之胤劉累事夏帝孔甲其子大夏因

實沈之國子孫服事夏商也

史記鄭世家集解

夢帝謂己

帝天也己武王也

同上正義

故參爲晉星

晉主祀參參爲晉星

史記鄭世家集解

宣汾洧

宣猶通也汾洧二水名

同上水經注卷六引下句

沈妣蓀黃

四國臺駘之後也

史記鄭世家集解

今晉主汾水而滅之矣

滅四國

並同上

山川之神則水旱癘疫之災於是乎崇之

營攢用幣

正義

陰陽風雨晦明也

風東方雨西方陰中央晦北方明南方唯天陽不

變唯晦明所屬

詩小雅漸漸之石正義引賈逵服虔

風淫末疾

末疾首疾謂風眩也

正義

二年

見易象

卦下之象辭文王所作爻下之象辭周公所作

正義

引賈逵

鄭衆

周禮盡在魯矣

周禮盡在魯矣史法最備故史記與周禮同名

春秋

序正

義

商或煥休之

煥厚也休美也

正義

成王有岐陽之蒐

岐陽岐山之陽

史記楚世家集解

夏桀爲仍之會，有緡叛之。

仍，緡國名也。

同上

五年

箕襄邢帶叔禽叔椒子羽。

叔禽叔椒子羽皆韓起庶子。

正義

七年

暨齊平。



魯與齊平

正義引賈逵何休

好以大屈

大屈寶金可以爲劍出大屈也

釋文

大屈金所生地

名

正義史記晉世家集解

今夢黃熊入于寢門

熊獸也

正義

吾聞將有達者曰孔丘

是歲孟僖子卒屬其子使事仲尼仲尼時年三十

五定以孔子爲襄二十一年生也

正義引服虔賈逵○史記孔子

世宗集前  
引神尼句

佐戴武宣

三人皆朱君也

太平御覽卷  
四百三十二

三命茲益恭

三命上卿

一命而僂再命而僇三命而俯

俯恭於僇僇恭於僂

循牆而走

言不敢安行也

並同上

春秋左氏傳解詁

卷下

十三 嬖奴館補校

三十三卷五十二

八年

秋薨于紅

蒐于紅不言大者言公大失權在三家也

正義引劉賈旗

葬陳哀公

葬哀公之文在殺孔奭之下以爲楚葬哀公

正義

且陳氏得政於齊而後陳卒亡

物莫能兩盛

史記陳世家集解

自慕至于瞽瞍無違命

幕舜後虞思也至于瞽瞍無聞違天命以廢絕者

上同

九年

夏四月陳災

穀梁傳曰國曰災邑曰火火不志此何以志閔陳而存之也言愆陳不與楚故存陳而書之言陳尙

爲國也

正義引  
質服

辰在子卯謂之疾日

桀以乙卯日死紂以甲子日亡故以爲戒

禮記  
釋文

僕析爻從

析父楚大夫

史記楚世家集解

十有一年

臣聞五大不在邊

五大謂天子母弟貴寵公子公孫累世正卿也

正義

十有二年

晉伐鮮虞

穀梁傳曰其曰晉狄之也不正其與夷狄交代中

國也故狄稱之也

正義云賈服取以爲說

更受三命

春秋之序三命以上乃書於經

正義引劉賈

是能讀三墳五典八索九丘

三墳三皇之書五典五帝之書八索素王之法九

丘亡國之戒墳大也言三王之大道孔子作春秋

素王之文也

文選潘安仁閑居賦李善注正義引云三墳三王之書五典五帝之典

入索八王之法九丘亡國之戒

作祈招之詩

祈求也招明也言求明德也

正義

十有三年

乃使爲卜尹

卜尹卜師大夫官

史記楚世家集解

乃與巴姬

共王妾

有莒衛以爲外主

齊桓出奔莒自莒先入衛人助之

有齊宋秦楚以爲外主

齊以女妻之宋贈之馬楚享以九獻秦送丙之

有樂郤狐先以爲內主

四姓晉大夫

並同

再會而盟以顯昭明

朝天子之法

禮記王制正義  
引賈逵服虔

鄭伯男也而使從公侯之貢

鄭伯爵在男畿

詩鄭譜  
正義

男當作南謂南面之君也

正義

任良物官

物官量能授官也

正義

十有六年



楚子誘我蠻子殺之

楚子不名以立其子

同上

十有七年

五雉爲五工正

西方曰鷓雉攻木之工也東方曰鷓雉擗埴之工也南方曰翟雉攻金之工也北方曰鷓雉攻皮之工也伊洛而南曰翟雉設五色之工也

正義

九扈爲九農正

春扈分循相五土之宜趣民耕種者也夏扈竊玄

趣民耘苗者也秋扈竊藍趣民收斂者也冬扈竊  
黃趣民蓋藏者也棘扈竊丹爲果驅鳥者也行扈  
嗜嗜畫爲民驅鳥者也宵扈嘖嘖夜爲農驅獸者  
也桑扈竊脂爲鷺驅雀者也老扈鷓鷃趣民收麥  
令不得晏起者也正義鷓鷃亦聲音爲名也同上  
有星孛于大辰西及漢

天漢水也或曰天河

太平御覽卷八

今茲火出而章必火入而伏

舊文無重火字

正義

春秋左氏傳解詁

卷下

十七 鄭經館補校

十有九年

楚子之在蔡也

楚子在蔡爲蔡公時也

札瘥天昏

大死曰札小疫曰瘥短折曰夭未名曰昏

二十年

曹公孫會自鄆出奔朱

前此以鄆叛也叛使從鄆而出叛不告故不書所以  
以華亥向寧射姑等不見有玉帛來聘者以其時

未爲卿也

並同上

乃見罇設諸焉

罇諸吳勇士

史記吳世家集解

賓將撤

謂夜行

同禮夏官掌次疏引賈服

琴張聞宗魯死

子張謂顓孫師

正義引賈逵鄭衆

八風

兌爲金爲闕闕風也乾爲石爲不周風也坎爲革

為廣莫風也艮為匏為融風也震為竹為明庶風

也巽為木為清明風也離為絲為景風也坤為土

為涼風也正義

古之遺愛也

愛惠也史記鄭世家集解

二十有一年

宋華亥向寧華定自陳入于宋南里以叛

書入華經兄弟作亂召而逆之正義

二十有二年

王子朝賓孟有寵於景王

子朝景王之長庶子

史記周本紀集解

王與賓孟說之欲立之

賓孟子朝之傅也王愛子朝因愛其傅故朝起蒞有寵于景王也與賓孟竝談說之欲立朝爲太子下門子周大夫王猛之傅也景王欲立朝故先殺

猛傅

正義

王弗應

太子壽卒景王不立適于上

同

敬王卽位

敬王猛母弟

史記周本紀集解

二十有三年

戊辰吳敗頓胡沈蔡陳許之師于雞父

不國國書師惡其同役而不同心

正義

王師在澤邑

澤邑周地也

史記周本紀集解

使各居一館

使邾魯大夫各居一館

正義

戊辰時敬于雒父

泓之戰譏宋襄故書朔鄆陵之戰譏楚子故書晦

雒父之戰夷之故不書晦

同上

伍候

五候五方之候也敬授民時四方中央之候

正義引

服

二十有四年

仲孫貜卒

仲尼時年三十五矣

史記孔子世家索隱

春秋左氏傳解詁

卷下

二千九百補校



二十有五年

秋七月上辛大雩季辛又雩

上辛不注

正義

民有好惡喜怒哀樂生于六氣

好生于陽惡生于陰喜生于風怒生于雨哀生于

晦樂生于明

正義 詩大雅烝  
其正義作服注

師己曰異哉吾聞文成之世

師己魯大夫文成魯文公成公

史記魯世家  
案解

季氏介其雉

持芥子爲未播其雞翼可以空廊氏雞目

正義  
史記魯

世家  
集解

穀昭伯之從弟會

昭伯滅孫賜也

史記魯世家  
集解

公使邠孫逆孟懿子

懿子仲孫何忌

同上

執冰而踞

冰積九蓋也

正義  
詩鄭風  
叔于田正義

蒞致于社

春秋左氏傳解詁卷下

玉樹類補校

三十一

二十五家爲一社于社二萬五千家也

史記齊世家集解

齊侯圍邾

邾魯邑

史記魯世家集解

欲取以居公不書圍邾人自服

不成圍

正義

二十有六年

三月公至自齊居于邾

季氏示欲爲臣故以告廟

正義

申豐從汝賈

申豐汝賈魯大夫

史記魯世家集解

粟五千庾

十六斗爲庾五千庾八萬斗

同上

二十有七年

使公子掩餘公子燭庸帥師圍潛

二子皆吳王僚母弟潛楚邑在廬江六縣西南

正義

史記吳世家集解

帥都君子

都君子在都邑之士有復除者

正義

上國有言

上國中國也

同上釋文引作上國與中國同

彼交於胥

交專諸胥也

史記吳世家集解

二十有八年

昔有仍氏生女黥髮

美髮曰黥

正義引賈杜

貪林無厭忿類無期謂之封豕

淋者食也其人貪者財利飲食無知饜足忿怒狠

戾無有期度時人謂之大豬

正義

其大宗賂以女樂

訟之大宗

太平御覽卷四百八十一

謂閭沒女寬

二子晉大夫魏子之屬

饋入召之

名二大夫食

並同上

二十有九年

故國有參龍氏有御龍氏

參養也穀食曰參

史記夏本紀集解

以夏豕韋之後

劉累之後至商不絕以代豕韋之後祝融之後封于豕韋殷武丁滅之以劉累之後代之

夏后饗之既而求之懼而遷於魯縣

夏后既饗而又使求致龍劉累不能得而懼也並同

鬱湮不育

鬱滯也湮塞也育生也

正義

木正曰句芒火正曰祝融金正曰蓐收水正曰玄冥

于正曰后土

總言萬物句芒非專木生如句夏陽氣明朗祀甚也融明也亦以夏氣爲之名耳句芒祀於戶祝融祀於竈蓐收祀於門玄冥祀於井后土祀於中霤

正義

世不失職遂濟窮桑

處窮桑以登爲帝故天下號之曰窮桑帝濟渡也言四叔子孫世不失職遂渡少皞之世

正義注卷七

路史後

記卷九



有烈山氏之子曰柱爲稷

烈山炎帝之號

正義

三十有二年

取鬲

昭公得鬲季氏奪之不用師徒謂此取鬲爲季氏

取于公也

正義

冬仲孫何忌會晉韓不信齊高張宋仲幾衛世叔申  
鄭國參曹人莒人薛人杞人小邾人城成周

魯有昭公難故會而不盟

不及四十年越其有吳乎越得歲而吳伐之必受其  
凶

吳越同分而云越福吳凶者以吳先用兵故反受

其殃

並同上

定公

三年春王正月公如晉至河乃復

刺綏朝見辭失所不諱罪己

正義

有兩肅爽馬子常欲之

色如霜紕

四年

噴有煩言

噴至也

蔡叔康叔之兄也

蔡叔周公兄

而封於少皞之虛

少皞居窮桑登爲帝蓋未爲帝居魯北既爲帝乃

居魯也

並同上

分康叔以大路少皞結棹旂旌大呂

大路金路也少帛雜帛也結棧大赤也過帛爲旂

析羽爲旌大呂鍾名

史記衛世家集解

恭問王室

恭毒間亂

正義

黃父之會

黃父會在昭廿五年

太平御覽卷三百九十

無始亂

無爲亂始

同上

王使執燧象以奔吳師

燧火燧也象象獸也以火繫其尾使奔吳師驚卻

其衆使王得虜

正義

五年

夏歸粟于秦

公羊傳曰孰歸之諸侯歸之曷爲不言諸侯歸之  
離至不可得而序故言我也穀梁傳亦然不書所

會後也

正義

而自稷會之

楚地也

史記楚世家集解

六年

以文之舒鼎成之昭兆

舒鼎名昭兆寶龜

正義

七年

九月大雩

旱也

正義

八年

三月公至自侵齊

還至不月爲曹伯卒月

公羊傳疏

主人出師奔

主人出魯師奔走而卻退言魯無戰備也

正義

魯於是始尚羔

周禮公之孤四命執皮帛卿三命執羔大夫再命執鴈魯廢其禮三命之卿皆執皮帛至是乃始復禮尚羔

九年

載蔥靈寢於其中而逃

蔥靈衣車也有蔥有靈

十年

孔丘使茲無還并對曰而不反我汶陽之田吾以共命者亦如之

不書盟諱以三百乘從齊師其意以宣七年盟于黑壤而不書經傳言晉侯之立也公不朝又不使大夫聘晉人止公子會公不與盟不書盟諱之也緣彼有諱謂此亦諱

並同上

十有三年

梁嬰父嬖于知文子



梁嬰父晉大夫也

史記趙世家集解

今三臣始禍

范中行趙也

同上

十有四年

於越敗吳于槁李

槁李地名

史記吳世家集解

使死士再禽焉

死士死罪人也

同上

衛侯爲夫人南子名宋朝

南子宋女

史記衛世家集解

太子羞之謂戲陽速曰從我而朝少若

戲陽速太子家臣

同上

十有五年

齊侯衛侯次於遷孳

欲救宋蓋恤鄰也

公羊傳疏

哀公

元年

吳王夫差敗越於夫椒

春秋左氏傳傳註

卷下

三子如荀會和子  
三十二卷六十八

夫椒越地

史記吳世家集解

保于會稽

會稽山名

昔有過澆殺斟灌以伐斟鄩滅夏后相

過國名也斟灌斟鄩夏同姓也夏后相依斟灌而國故曰殺夏后相也

后緡方娠

緡有仍之姓也

逃於有仍

有仍國名后緝之家

少康奔有虞

有虞帝舜之後

而邑諸綸

綸虞邑

有田一成有眾一旅

方十里爲成五百人爲旅

不失舊物

物職也

並同上

二年

子南僕

僕御也

史記衛世家集解

六年

晏圉蒞施來奔

國晏嬰之子

史記齊世家集解

夏書曰惟彼陶唐帥彼天常有此冀方今失其行亂其紀綱乃滅而亡

逸書夏桀之備

正義引賈服孫杜

八月齊師意欲來奔陳僖子使召公子恐生

遣意來召日月錯誤其說未聞

正義云賈逵以傳文相隨謂遣意來

名又怪其日月錯誤謂其說未聞

使毛遜孺子於駘

齊邑

史記齊世家集解

七年

上物不過十二

周禮王合諸侯享禮十有二牢上公九牢侯伯七

牢子男五牢

史記吳世家集解

又五名曰在房言

三十二卷七十

曹人或夢眾君子立于祖宮

耐宮社也

史記曹世家集解  
水經注卷三十五

乃背晉而好宋

以小加大

同上

十有一年

公孫夏命其徒歌虞殞

虞殞遣殞

歌詩正  
義

胡籛之事

夏曰胡

正義引

季孫欲以田賦

欲令一井之間出一丘之稅井別出馬一匹牛三

頭

正義

十有二年

昭夫人孟子卒

言孟子若言吳之長女也

正義

請尊盟

尋溫也

禮記中庸正義  
論語邢昺疏

十有三年



王惡其聞也

惡其聞諸侯史記吳世家集解

乃先晉人

外傳曰吳先歆晉亞之先叙晉晉有信又所以外

吳同上

十有四年春西狩獲麟

孔子自衛反魯考正禮樂修春秋約以周禮三年

文成致麟麟感而至取龍爲水物故以爲修母致

子之應正義引賈逵周在西則夫子道繫周正義

小邾射以句絳來奔

此下弟子所記

正義

闕止有寵焉

闕止子我也

史記齊世家集解

諸御鞅

鞅齊大夫也

同上

子我父

卽闕止也

史記齊世家索隱

初陳豹欲爲子我臣

春秋左傳卷之二十一

三十三卷七十一

豹陳氏族也

史記齊世家集解

使公孫言己

公孫齊大夫也

適豐上

豐上陳氏邑

陳桓執公子舒州

陳氏邑也

並同上

十有五年

稱姻妾以告

婚姻家妾也

史記衛世家集解

介與殺從之

一介被甲也與殺豚欲以盟

遇子羔將出

子羔衛大夫高柴孔子弟子也將出奔

弗及不踐其難

言家臣憂不及國不得踐履其難

莊同上

十有六年

如高府

春秋左氏傳解詁

卷下

三十三卷七十三

高府府名也

史記楚世家集解

十有七年

紫衣狐裘

紫衣君服

正義

如魚窺尾衡流而方羊裔焉

窺赤色魚勞則尾赤橫流方羊不能自安裔水邊

言衛侯將若此魚

同上

見戎州

戎州戎之邑

史記衛世家集解

二十有二年

請使吳王居甬東

甬東越東鄙甬江東也

史記魯世家集解

二十有七年

故君臣多間

間隙也

史記魯世家集解